



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

25.08.2023

144-um-son

### **Toshkent davlat yuridik universitetida “Yoshlar akademiyasi liderlari” tizimi yo‘lga qo‘yish to‘g‘risida**

O‘zbekiston Respublikasi Prezidentining 2019-yil 30-avgustdagi “Yoshlarni ilm-fan sohasiga jalb etish va ularning tashabbuslarini qo‘llab-quvvatlash tizimini takomillashtirish chora-tadbirlari to‘g‘risida”gi PQ-4433-son qarori, Vazirlar Mahkamasining “Ilmiy va innovatsion faoliyat bilan shug‘ullanib kelayotgan iqtidorli yoshlarni qo‘llab-quvvatlash chora-tadbirlari to‘g‘risida” 2021-yil 19-apreldagi 222-son qarori hamda O‘zbekiston Respublikasi Oliy ta’lim, fan va innovatsiyalar vazirining 2023-yil 8-avgustdagi 349-son buyrug‘i ijrosini ta’minlash hamda iqtidorli yoshlarni vatanparvarlik, milliy an’ana va qadriyatlarimizga hurmat ruhida tarbiyalash, ularni har tomonlama qo‘llab-quvvatlash, kasbga yo‘naltirish va bandligini ta’minlashga ko‘maklashish, tashabbuslarini rag‘batlantirish borasidagi ishlar samaradorligini oshirish maqsadida

### **BUYURAMAN:**

1. O‘zbekiston Respublikasi oliy ta’lim, fan va innovatsiyalar vazirining 2023-yil 8-avgustdagi “Yoshlar akademiyasi faoliyatini rivojlantirish to‘g‘risida”gi 349-son buyrug‘i ma’lumot va ijro uchun qabul qilinsin.

2. Ilmiy boshqarma (I.Ergashev), Ma’naviyat va ma’rifat markazi direktori (Sh.Po‘lotov) Yosh olimlar kengashi raisi (L.Achilova) hamda fakultet dekanlari bilan birgalikda:

“Yoshlar akademiyasi liderlari” tizimini tashkil etish to‘g‘risidagi Nizom talablari asosida universitetda Yoshlar akademiyasining fakultet lideri va universitet lideri saylovini o‘tkazish bo‘yicha zarur tashkiliy chora-tadbirlarni amalga oshirsin;

saylov natijalari to‘g‘risidagi ma’lumotlarni O‘zbekiston Respublikasi Oliy ta’lim, fan va innovatsiyalar vazirligining Yoshlar akademiyasi faoliyatini muvofiqlashtirish bo‘limiga (keyingi o‘rinlarda – bo‘lim) taqdim etilishini ta’minlasin;

Yoshlar akademiyasi liderligi uchun nomzodlarni oʻrnatilgan tartibda taklif etish choralarini koʻrsin;

universitet Yoshlar akademiyasi liderini oʻrnatilgan tartibda moddiy ragʻbatlantirib borish choralarini koʻrsin.

3. Universitet Yoshlar akademiyasi lideri Ilmiy boshqarma oldida hisobdorligi hamda uning faoliyati Ilmiy boshqarma tomonidan muvofiqlashtirilishi belgilab oʻtilsin.

4. Universitet Yoshlar akademiyasi lideri:

universitet Yoshlar akademiyasining ijtimoiy tarmoqlar (Telegram, Facebook, LinkedIn va boshqalar)da sahifasining yaratilishini va doimiy ravishda yangilab borilishini;

universitet Yoshlar akademiyasi aʼzolari oʻrtasida doimiy aloqani (feedback) taʼminlashga qaratilgan bot faoliyati yoʻlga qoʻyilishini;

universitet Yoshlar akademiyasining ish rejasini ishlab chiqilishi va tasdiqlash uchun Ilmiy ishlar va innovatsiyalar boʻyicha prorektorga kiritilishini;

har oyda kamida uch marotaba turli interaktiv tadbirlarning oʻtkazilishini;

universitet Yoshlar akademiyasi faoliyati toʻgʻrisida har chorak yakuni boʻyicha maʼlumotlarni Ilmiy boshqarma (I.Ergashev)ga taqdim etilishini taʼminlasin.

5. Yosh olimlar kengashi raisi (L.Achilova), Ilmiy boshqarma (I.Ergashev), Fakultet dekanlari (A.Babadjanov, Sh.Saydullayev, D.Kamalova, B.Musayev, D.Umarxanova) va kafedra mudirlari universitet Yoshlar akademiyasiga yosh olimlar va iqtidorli talabalarni jalb etishda Yoshlar akademiyasining fakultet lideri va universitet lideriga koʻmaklashsin.

6. Ilmiy boshqarma boshligʻi (I.Ergashev) va Huquqiy tashabbuslar va innovatsiyalar markazi direktori (S.Latipov) universitet Yoshlar akademiyasi bilan hamkorlikda talabalarni ilmiy-innovatsion sohaga keng jalb qilish hamda ular orasida turli tanlovlarni yuqori saviyada tashkil etib borilishini taʼminlasin.

7. Universitet Yoshlar akademiyasi lideri iqtidorli yoshlarni, jumladan universitet talabalari loyihalarini qoʻllab-quvvatlash, ularning ilmiy gʻoyalarini ragʻbatlantirishga qaratilgan turli tanlovlar va tadbirlarni tashkil qilish boʻyicha takliflar ishlab chiqsin hamda Maʼnaviyat va maʼrifat markazi bilan birgalikda tashkil qilsin.

8. Jamoatchilik va OAV bilan aloqalar boʻlimi (J.Haydarov) universitet Yoshlar akademiyasi faoliyatini ommaviy axborot vositalari va ijtimoiy tarmoqlarda keng yoritilishini taʼminlasin.

9. Mazkur buyruq ijrosini nazorat qilishni oʻz zimnamda qoldiraman.

**Yoshlar masalalari va  
ma'naviy-ma'rifiy ishlar  
bo'yicha birinchi prorektor**



**A.XASHIMHONOV**

Toshkent shahar

## **Kiritildi:**

Boshqarma boshlig'i

I.ERGASHEV



## **Kelishildi:**

Direktor

SH.PO'LOTOV



Ilmiy ishlar va innovatsiyalar  
bo'yicha prorektor

B.XODJAYEV



yuriskonsult

D.ALIBOYEV



Bo'lim boshlig'i

S.MAMANAZAROV

